

थाने सिमरा मैं बारम्बार,
जगदम्बा म्हारी अरज सुनो,
ओ अरज सुनो ए मैया विनती सुनो,
ओ थाने विनती करूं बारंबार,
जगदंबा मारी अरज सुनो ॥

बीकाजी ने वचन दीनो माँ,
गड रे नीम लगाई,
भवानी गढ़ रे नीम लगाई,
देशनोक में भवन चुनायो,
बिकानों शहर बसाए,
जगदंबा मारी अरज सुनो,
ओ थाने विनती करूं बारंबार,
जगदंबा मारी अरज सुनो ॥

शेखाजी मुल्तान कैद में,
घर बाई रो व्याव,
भवानी घर बाई रो व्याव,
बनके सव्वली पकड़ पंजा में,
फेरा सु पेली रे पोछाई,
भवानी मारी अरज सुनो,
ओ थाने विनती करूं बारंबार,
जगदंबा मारी अरज सुनो ॥

गंगा सिंह रे रही मदद में,
अंग्रेजों की माय,
भवानी अंग्रेजों री माई,
अंग्रेजों ने खूब कमाई,
सूतोड़ा सिंह ने जगाई,
भवानी मारी अरज सुनो,
ओ थाने विनती करूं बारंबार,
जगदंबा मारी अरज सुनो ॥

सिंग गरज कर आयो धरण पर,
भुप रयो गब राई,
जगदंबा थारी मेहर भई जब,
सिंगडा ने दीयो रे बचाए,
भवानी मारी अरज सुनो,
ओ थाने विनती करूं बारंबार,
जगदंबा मारी अरज सुनो ॥

गांव सियाणो जात रो ब्राह्मण,
दलु राम जस गाय,
करणी मां पर कृपा कर जो,
देशनोक रे माय,
भवानी मारी अरज सुनो,
ओ थाने विनती करूं बारंबार,
जगदंबा मारी अरज सुनो ॥

थाने सिमरा मैं बारमबार,
जगदम्बा म्हारी अरज सुनो,
ओ अरज सुनो ए मैया विनती सुनो,

ओ थाने विनती करूं बारंबार,
जगदंबा मारी अरज सुनो ॥

स्वर प्रकश जी माली ।
प्रेषक गणेश सिंह राजपूत
9587003138

Source: <https://www.bharattemples.com/jagdamba-mhari-araj-suno/>



Bharat Temples

Complete Bhajans Collections - Download Free Android App
https://play.google.com/store/apps/details?id=com.numetive_bhajans

Facebook: <https://www.facebook.com/bharattemples/>

Telegram: <https://t.me/bharattemples>

Youtube: <https://www.youtube.com/channel/UC24oJCxZJyhhKzSUD-Lt9Tw>